

Zom Brotbacken/wie nemlich al-
lerhand gemeiner vnd bräuchlicher/denn auch in abligenden
Hungersnöthen/Landstheswungen vnd Kriegsläufften/auff neue vnd fremb-
de art Brot zu backen/vnd also durch natürliche Mittel menschliche im Leben raht zu schaf-
fen/vnd dem Hunger zuvorkommen/vnserm allgemeinen Vatterland zu lieb/bes-
vorab oder Armut zum besten/jetzt aber erst in Teutscher Spraach
an Tag gegeben.

Zum allgemeinen Bawersmann.

En allen vnd seglichen Haushaltungen/die seyen gross
oder klein/bevorab auff Meyerhösen vnd in Bawernhäusern/ist vn-
ter andern mit der geringst vortheil vnd vorschub/ Reichthum zu ge-
winnen/gute richtige Ordnung mit essen vnd trincken/bey dem Ge-
sind vñ Taglohnern zu halten/demnach was zu jeder zeit/nach geles-
genheit der Jar zu speisen/what fürs Vieh zu füttern/recht verstehen/
vnd den das vbrig sein rahtsam/damit nit alles auff einen Tag/oder
noch wol in eim Jar verschwendet/vñ durch die Gurgel gejagt wer-
de/auffzuheben/vnd auff den notfall zurück zuhalten wissen: Hierges-
gen ist gewiß/vñ gibts die erfahrung täglich/daz seit ein Haushalt-
ter auch bey grossen Gütern/on mercklichen schaden seiner nahrung haushalten/oder doch zum
wenigsten/wo er ja nit gar an Bettelstab gerathen/vnid bemy Hauptgut blieben/wil geschweigen/
daz erauff einen grünen Zweig kössen sol/weil er überzahlte stück nit gar wol weiß/denen auch mie
alle in fleisch vnd ernst nachsetzt.

Bevorab aber/ist solche fürsichtigkeit zu dieser vnser zeit/zum höchsten von noten/Denn dieweit
jetzt die Welt an Vieh vnd Volck sich fast gemehrt vnd sehr voll ist/denn auch die Erde/wegen des
Fluchs/damit Gott der Allmechtig/durch vnser ersten Eltern Ungehorsam verursacht/sie gleich
verbannet/jr vorkommen vnd Früchte/je länger je geringer gibt vnd darreicht/zu dem/daz auch wir
selbs zugleich alle Menschen/so jederzeit in leben sind/mit unsren vielfältigen Sünden/den gerech-
ten Zorn Gottes dermassen wider vñ über uns häussen vñ entbrennen/daz nit wunder were/daz er
die ganze Welt in einen haussen stürzte/oder auffs wenigste/wie er im Gesetz dräuwt/den Himmel
Eisern/vñ die Erde wie Erz machte/daz nit ein Hälmlin darauf wächse/Er aber/der barmherzig
Gott thut solches nit/sonder als ein frommer Vatter/gedenkt/wenn er uns den Brotkorb ein wenig
höher hiengt/sollen wir in uns selbs gehn/jm in die Rüthen fallen vnd frömmier werden.

Auf denen vrsachen sage ich/geschichts nun/daz jett so schwinde Zeiten fürfallen/daz schier ein
wunder/wenig gute Jar auff einander gerachten.Der wegen hoch von noten/daz meniglich ders-
selben wol warne/me/vñ von jrem reichlichen Segen/wie denn die Natur an der Umessien uns fürs-
bildet/etwas auff künftigen Winter der reichen jar hinderhalte/welchs wie gesagt/färnemlich das
tun besthet/daz man in der wolfeilen Zeit die guten Früchte nit so gar durch die Bank verschlodes-
re/oder wie oft geschicht/auff fütterung vñ mast des Viehs verwendet/sonder entweder durch ab-
wechsel/oder einheilung anderer rauhern/die guten ein wenig zu raht hält. Weil solchs geschehe/
würde als denn (wo Gott nit sonders augenscheinlich straffen wolt) solch jammer vnd weheflagen
der armen Leut/hin vnd wider auff in Land/sonderlich in den rauhen Landsorten/Theirwung halb
nicht/oder doch weniger gehört werden. Weil denn nun mein endlich färnemmen gewesen/in ge-
genwärtigem Feldbau vñ Bawbuch eine Bawersman/ja jeden vorrähtigen Haushatter in allem
vnd jedem/so zu einem vollkönnigen rechschaffenen Meyerhof gehörig gnugsam zu unterrichten/
Als hab ich auch gleich zur zugab/wie nit allein von gemeinem beküntigen Getreid vñ Kornfrüchten
als Weizen/Rocken/Spels/Gersten ic.vor Herrn vnd Gesinde Brot zubacken/sonder auch im
fall der Not/oder aber ausser derselbige/zu ersparen die andern/auf Habern/Wicken/Linsen/Bos-
nen/re.denn auch von allerley Obs vnd Baumfrüchten/mehr von allerley Wurzeln/Kräuter/
vnd Specereien/ auch aus den färnembsten Gerränken/Safften/vnd andere flüssige Materien/
Endlich von allerhand vierfüssigen Thieren/Vögeln vnd Fischen Brot/so zu essen nicht un mild
oder unlieblich/ auch menschliche Natur zu ernähren nicht unbequem/zu bereiten/allhie kurzen
bericht mit anhängen wollen.

Das